



O‘ZBEKISTON RESPUBLIKASI NAVOIY VILOYATI HOKIMINING QARORI

Navoiysh., IslomKarimovsh.k 77 A

2022 - yil 5 - oktabr

196-5-0-Q/22

Navoiy viloyat hokimligi

**Ўзбекистон Республикаси Вазирлар Маҳкамасининг 2022 йил 23
сентябрдаги “Иқтисодиёт тармоқлари, ижтимоий соҳа объектлари ва кўп
квартирали уй-жой фондини 2022/2023 йиллар куз-қиш даврида барқарор
ишлашга тайёрлашни таъминлаш чора-тадбирлари тўғрисида”ги 522-
сонли қарори ижросини таъминлаш ҳақида**

Вилоятда иқтисодиёт тармоқлари, ижтимоий соҳа объектлари ва кўп
квартирали уй-жой фондини 2022/2023 йиллар куз-қиш даврида барқарор
ишлашга тайёрлаш мақсадида,

ҚАРОР ҚИЛАМАН:

1. Ўзбекистон Республикаси Вазирлар Маҳкамасининг 2022 йил 23
сентябрдаги “Иқтисодиёт тармоқлари, ижтимоий соҳа объектлари ва кўп
квартирали уй-жой фондини 2022/2023 йиллар куз-қиш даврида барқарор
ишлашга тайёрлашни таъминлаш чора-тадбирлари тўғрисида”ги 522-сонли
қарори ижро учун қабул қилинсин.

2. Шаҳар, туман ҳокимлари, ҳудудларнинг секторлари раҳбарлари,
вилоят маҳалла ва нуронийларни қўллаб-қувватлаш бошқармаси, иқтисодий
тараққиёт ва камбағалликни қисқартириш бош бошқармаси, оила ва хотин-
қизлар бошқармаси манфаатдор корхона ва ташкилотлар билан биргаликда
куз-қиш мавсумига тайёргарлик ишларини қуйидагилардан бошласин:

вилоят аҳолисини ижтимоий жиҳатдан қўллаб-қувватлаш учун барча
ҳудудларда мақбул нархларда озиқ-овқат ярмаркаларини ташкил этиш;

“Аёллар дафтари”, “Ёшлар дафтари” ва “Темир дафтар”га киритилган оилаларга кўмир, суюлтирилган газни ўз вақтида етказиб бериш ҳамда болаларни иссиқ кийим-кечак билан таъминлаш;

олис ва бориш қийин бўлган ҳудудларда ҳамда табиий офатлар оқибатида йўллар талофат кўриши эҳтимоли мавжуд қишлоқ (овул)ларга кўмир ва суюлтирилган газни етказиб бериш ҳамда камида 15-20 кунга етадиган асосий турдаги озиқ-овқат маҳсулотлари захирасини яратиш.

3. Вилоят уй-жой коммунал хизмат кўрсатиш бошқармаси молия бош бошқармаси, туман (шаҳар) ҳокимликлари билан биргаликда Ўзбекистон Республикаси Президентининг 2021 йил 19 июндаги “Кўп квартирали уй-жойларни бошқариш тизимини янада такомиллаштириш тўғрисида” ПҚ-5152-сон қарорида кўзда тутилган кўп квартирали уйлар атрофидаги умумфойдаланишдаги ҳожатхоналарни яхшилаш тадбирларини маҳаллий бюджетнинг қўшимча манбалари маблағлари ҳисобидан амалга оширилишини таъминласин.

4. Ўзбекистон Республикаси Вазирлар Маҳкамасининг мазкур қарори билан қуйидагилар:

Иқтисодиёт тармоқлари, ижтимоий соҳа объектлари ва кўп квартирали турар жой фондини 2022/2023 йиллар куз-қиш даврида барқарор ишлашга тайёрлаш бўйича комплекс чора-тадбирлар;

Иқтисодиёт тармоқлари, ижтимоий соҳа объектлари ва кўп квартирали турар жой фондини куз-қиш мавсумида барқарор ишлашга тайёрлаш ишларининг йиғма параметрлари;

Иқтисодиёт тармоқлари, ижтимоий соҳа объектлари ва кўп квартирали турар жой фондини куз-қиш мавсумига тайёрлаш учун йўналтириладиган маблағлар ва уларнинг манбалари;

Кўп квартирали турар жой фондини мукамал таъмирлаш параметрлари;

ҳудудларда кўп квартирали уйлар атрофидаги умумфойдаланишдаги ҳожатхоналарни талаб даражасида бўлмаган кўп квартирали уйларнинг санитария-гигиеник ҳолатларини яхшилаш параметрлари;

Иссиқлик таъминоти объектлари ва ускуналарини куз-қиш мавсумига тайёрлаш параметрлари;

Ичимлик сув таъминоти объектлари ва ускуналарини куз-қиш мавсумига тайёрлаш параметрлари;

Электр тармоқлари ва қурилмаларини куз-қиш даврида барқарор ишлашга тайёрлаш параметрлари;

Газ таъминоти объектлари ва қурилмаларини куз-қиш мавсумига тайёрлаш параметрлари;

Куз-қиш мавсумида аҳолига суюлтирилган газ етказиб бериш параметрлари;

Куз-қиш мавсуми учун кўмир маҳсулотлари захирасини яратиш параметрлари;

Ижтимоий соҳа объектларига куз-қиш мавсуми учун кўмир маҳсулотлари етказиб бериш параметрлари;

Олис ва бориш қийин бўлган қишлоқ (овул)ларда кўмир, суюлтирилган газни етказиб бериш ва захирасини яратиш параметрлари;

Ижтимоий соҳа объектларини мукамал ва жорий таъмирлаш параметрлари;

Иқтисодиёт тармоқлари, ижтимоий соҳа объектлари ва кўп квартирали турар жой фондини 2022/2023 йиллар куз-қиш даврида барқарор ишлашга тайёрлашни мувофиқлаштириш бўйича республика комиссияси таркиби тасдиқланганлиги маълумот учун қабул қилинсин.

5. Вилоят иқтисодиёт тармоқлари, ижтимоий соҳа объектлари ва кўп квартирали турар жой фондини 2022/2023 йиллар куз-қиш даврида барқарор ишлашга тайёрлашни мувофиқлаштириш бўйича вилоят комиссияси (кейинги ўринларда - Вилоят комиссияси) иловага мувофиқ таркибда ташкил этилсин.

6. Вилоят комиссияси (Бобомуродов) Вазирлар Маҳкамасининг қарорида белгиланган чора-тадбирларнинг ижросини таъминлаш ва назорат қилиш бўйича қуйидаги ўрнатилган тартибга қатъий амал қилинишини таъминласин:

бир ҳафта муддатда шаҳар, туманларда Республика ва вилоят комиссияси таркибига киритилган корхона ва ташкилотларнинг ҳудудий органлари раҳбарларидан иборат туман (шаҳар) ишчи гуруҳлар ташкил этсин ва улар томонидан амалга ошириладиган ишларни маҳаллалар кесимида белгилаб бериш;

ҳар бир туман ва шаҳарда аҳолининг мурожаатларини қабул қилиш ва уларнинг тезкор кўриб чиқилишини таъминлаш бўйича туну-кун ишлайдиган алоқа тизимини ишга тушириш;

ҳар бир туман ва шаҳарлардаги маҳаллаларда халқ билан мулоқот тарзида ўтказиладиган учрашувларда мазкур қарор билан куз-қиш мавсумига тайёргарлик кўриш ва уни талафотсиз ўтказиш бўйича белгилаб берилган параметрларнинг бажарилиши юзасидан аҳолига ҳисобот бериб бориш тизимини йўлга қўйиш;

жойларда куз-қиш мавсумига тайёргарлик кўриш ва уни беталофат ўтказиш бўйича олиб борилаётган ишлар юзасидан Республика штабига кунлик маълумот тақдим қилиш.

Туман (шаҳар) ҳокимлари ва ҳудудий ишчи гуруҳлар аъзоларига қишлоқ аҳоли пунктлари, ижтимоий соҳа объектлари ва кўп квартирали уй-жой фондини куз-қиш даврида барқарор ишлашга тайёрлаш бўйича белгиланган параметрлар ва чора-тадбирларнинг ўз вақтида ва сифатли бажарилишини таъминлаш юзасидан шахсий масъулият юклансин.

7. Вилоят ҳокимининг ўринбосарлари (Атамурадов, Махмудалиев), вилоят қишлоқ хўжалиги бошқармаси, иқтисодий тараққиёт ва камбағалликни қисқартириш бош бошқармаси вилоятда 2022/2023 йиллар қиш-баҳор мавсумига ғамланадиган асосий турдаги қишлоқ хўжалиги маҳсулотларини сақлаш жойлари рўйхатини (дислокациясини) тасдиқласин ҳамда уларни ғамлаш параметрларининг ўз вақтида ва тўлиқ бажарилишини таъминлаш чораларини кўрсин.

8. Вилоят ҳокими ўринбосари (Душанов) бир ҳафта муддатда алоҳида ишчи гуруҳ тузган ҳолда вилоятда, айниқса, қишлоқ аҳоли пунктларида ижтимоий соҳа объектларини куз-қиш даврида барқарор ишлашга тайёрлаш борасидаги ишларнинг ҳолатини ўргансин ва аниқланган камчиликларни баргараф этиш юзасидан вилоят комиссиясига таклиф киритсин.

9. Вилоят молия бош бошқармаси (Очилов)га шаҳар, туман ҳокимлари томонидан тақдим этилган асосли ҳисоб-китобларга мувофиқ ижтимоий соҳа объектларида куз-қиш мавсуми учун кўмир маҳсулотларига ҳақиқий талабдан келиб чиқиб зарур маблағлар ажратиш чораларини кўрсин.

10. Вилоят уй-жой коммунал хизмат кўрсатиш бошқармаси, Иқтисодий тараққиёт ва камбағалликни қисқартириш бош бошқармаси, “Ҳудудгаз Навоий” газ таъминоти филиали, “Навоий ҲЭТК” АЖ, “Навоийнефтьбазаси” МЧЖ, “Навоий кўмир етказувчи” филиали, шаҳар, туман ҳокимликлари масъул хўжалик бирлашмалари билан биргаликда:

электр ва табиий газ қурилмаларини таъмирлаш, уларнинг барқарор ишлашини таъминлаш, иссиқлик ва электр энергияси ишлаб чиқарувчи ташкилотларга ёқилғи ресурсларини узлуксиз етказиб бериш чораларини

кўрсин;

аҳолига, ижтимоий соҳа объектларига, бошқа тоифадаги истеъмолчиларга зарур миқдорларда энергетика ресурсларини етказиб бериш бўйича мунтазам равишда “маҳаллабай” тизимида ўрганишлар олиб бориб, ажратилган ресурсларни етказиб бериш чораларини кўрсин.

11. Вилоят ҳокимининг ўринбосарлари (Атамурадов, Бобомуродов), туман (шаҳар) ҳокимликлари:

Вилоят молия бош бошқармаси (Очилов) билан биргаликда Вазирлар Маҳкамасининг мазкур қарори 5-иловасидаги белгиланган тадбирларнинг лойиҳа-қидирув ишлари ҳаражатларини маҳаллий бюджетнинг қўшимча манбалари ҳисобидан 2022 йил 1 ноябрга қадар молиялаштирсин;

куз-қиш мавсумига тайёргарлик кўриш ва уни талафотсиз ўтказиш бўйича олиб борилаётган ишлар юзасидан Республика комиссиясига ҳафталик маълумот тақдим этиб борсин;

куз-қиш мавсумига тайёргарлик кўриш ва уни талафотсиз ўтказиш юзасидан халқ депутатлари маҳаллий Кенгашларига ҳисобот бериб борсин ҳамда маҳаллий телевидениеларда ҳар ойда “очиқ мулоқот” ҳамда брифинглар ўтказиб борилишини таъминласин.

12. Қуйидагиларга:

вилоят ҳокими ўринбосарлари, туман (шаҳар) ҳокимлари ва секторлар раҳбарлари зиммасига - иқтисодиёт тармоқлари, ижтимоий соҳа объектлари ва кўп квартирали уй-жой фондини 2022/2023 йиллар куз-қиш даврида барқарор ишлашга тайёрлаш бўйича параметрлар ва чора-тадбирларнинг ўз вақтида ва сифатли бажарилишини таъминлаш;

Ўзбекистон Республикаси Уй-жой коммунал хизмат кўрсатиш вазирлиги ҳузуридаги Кўп хонадонли уй-жой фондидан фойдаланишни назорат қилиш инспекцияси вилоят ҳудудий филиалига - кўп квартирали уй-жой фондини куз-қиш даврига тайёрлаш, жумладан, уларни таъмирлаш ва ички муҳандислик-коммуникация тармоқларини соз ҳолатга келтириш билан боғлиқ ишларнинг сифатли ташкил этилишини назорат қилиш;

Ўзбекистон Республикаси Уй-жой коммунал хизмат кўрсатиш вазирлиги ҳузуридаги Ичимлик сувидан фойдаланишни назорат қилиш инспекцияси вилоят ҳудудий филиалига — ичимлик суви таъминоти ва оқова сув объектларини куз-қиш даврига тайёрлаш ишларининг пухта ва сифатли бажарилишини назорат қилиш;

Ўзбекистон Республикаси Саноат хавфсизлиги давлат қўмитаси вилоят ҳудудий бошқармасига - ижтимоий соҳа объектларидаги иситиш қозонлари ва уларнинг иссиқлик таъминоти тизимини куз-қиш даврига тайёрлаш ва улардан самарали фойдаланишни ташкил этиш ишларининг хавфсизлигини белгиланган тартибда таъминлаш;

“Ўзнефтгазинспекция” ва “Ўзэнергоинспекция” вилоят бўлимига - куз-қиш даврида аҳоли ва ижтимоий соҳа объектларига электр энергияси, табиий ва суюлтирилган газни узлуксиз етказиб бериш бўйича белгиланган параметрларнинг бажарилишини ҳамда истеъмолчилар томонидан энергия ресурсларидан оқилона ва тежамли фойдаланилишини назорат қилиш;

вилоят Фавқулодда вазиятлар бошқармасига - кўп квартирали уйларни куз-қиш даврига тайёрлаш жараёнида дудбўронлар ва вентиляция тизимларини таъмирлаш, изоляция қилиш ҳамда тозалаш ишларининг ўз вақтида ва сифатли амалга оширилишини назорат қилиш юзасидан жавобгарлик юклансин.

13. Мазкур қарорнинг бажарилишини назорат қилиш вилоят ҳокимининг ўринбосари Б.Бобомуродов, вилоят уй-жой коммунал хизмат кўрсатиш бошқармаси бошлиғи Н.Жуманиёзов зиммаларига юклансин.

Вилоят ҳокими в.б.



Н.Турсунов

Navoiy viloyat hokimining
2022 yil 5 oktabrdagi
196-5-0-Q/22-son qaroriga
1-ilova

Вилоят иқтисодий тармоқлари, ижтимоий соҳа объектлари ва кўп квартирали турар жой фондини 2022/2023 йиллар куз-қиш даврида барқарор ишлашга тайёрлашни мувофиқлаштириш бўйича вилоят комиссияси

ТАРКИБИ

Б.Бобомуродов	-	Вилоят ҳокимининг ўринбосари, <i>комиссия раиси</i>
Н.Жуманиёзов	-	Вилоят уй-жой коммунал хизмат кўрсатиш бошқармаси бошлиғи, <i>комиссия раиси ўринбосари</i>
К.Нурмуродов	-	Вилоят иқтисодий тараққиёт ва камбағалликни қисқартириш бош бошқармаси бошлиғининг биринчи ўринбосари
Д.Очилов	-	Вилоят молия бош бошқармаси бошлиғи
Х.Пардаев	-	Вилоят марказий банки бош бошқармаси бошлиғи
А.Ниёзов	-	Вилоят қурилиш бош бошқармаси бошлиғи
З.Расулов	-	Вилоят соғлиқни сақлаш бошқармаси бошлиғи
М.Шамуратов	-	Вилоят халқ таълими бошқармаси бошлиғи
У.Тиллаев	-	Вилоят мактабгача таълим бошқармаси бошлиғи
Н.Улуғбердиев	-	Вилоят касбий таълимни ривожлантириш ва мувофиқлаштириш ҳудудий бошқармаси бошлиғи
Н.Ниязов	-	Вилоят маданият бошқармаси бошлиғи
О.Рахмонов	-	Вилоят спортни ривожлантириш бошқармаси бошлиғи
Б.Собиров	-	НДПИ ректори
Б.Мардонов	-	Навоий давлат кончилик ва технологиялар университети ректори
Ш.Набиев	-	Вилоят маҳалла ва нуронийларни қўллаб-қувватлаш бошқармаси бошлиғи
Б.Пулатов	-	Вилоят ФВБ бошлиғи
Х.Бақоев	-	Вилоят экология ва атроф муҳитни муҳофаза қилиш бошқармаси бошлиғи в.б
А.Нуруллаев	-	Ўзбекистон Республикаси Саноат хавфсизлиги давлат қўмитаси Навоий ҳудудий бошқармаси бошлиғи
Б.Шомуродов	-	“Ўзэнергоназорат” вилоят ҳудудий бўлими бошлиғи
Ф.Махмудов	-	“Ўзнефтьгазинспекция” вилоят ҳудудий бўлими бошлиғи
С.Амонов	-	Кўп хонадонли уй-жой фондидан фойдаланишни назорат қилиш инспекцияси ҳудудий бўлими инспектори
Н.Ғаффоров	-	“Ҳудудгаз Навоий” газ таъминоти филиали бошлиғи
Б.Исломов	-	“Навоий ҲЭТК” АЖ бош директори
Ф.Неъматов	-	“Навоий кўмир етказувчи” филиали бошлиғи
О.Ҳасанов	-	“Навоийнефтьбазаси” МЧЖ бошлиғи

О.Зарипов	-	“Навоий сувтаъминоти” МЧЖ директори
А.Файзиев	-	“Навоий ИЭС” АЖ бош директори
Б.Улуғназаров	-	Вилоят “Иссиқлик манабаи” ДУК директори
Т.Примов	-	Вилоят уй-жой коммунал хизмат кўрсатиш бошқармаси бошлиғи ўринбосари, комиссия котиби

***Изоҳ:** Вилоят комиссияси аъзолари бошқа ишга ўтган тақдирда уларнинг ўрнига янгидан тайинланган ёки тегишли функцияларни бажариш юқланган шахслар комиссия аъзоси ҳисобланади.*